

'Sagastiyan' babes ofizialeko 365 etxebizitza egiteko plan partzialari hasierako onarpena eman dio Udalak

Gobernu Batzarra: Pasa den astean Hirigintza Batzordetik pasa zen gaia atzo Gobernu Batzarrean onartu zen.

Oinezkoentzat ibilbidea: Eusko Jaurlaritzak aintzineko trenbidearen ibilbidearen diseinua mantentzea onartu du.

2008rako bukatuta: 365 etxebizitzak 2007 amaierarako edota 2008 hasierarako bukatuta egotea espero du Jaurlaritzak.


GOBERNU Batzarra bildu zen atzo eta hainbat punturen artean Eusko Jaurlaritzako Etxebizitza eta Gizarte Gaietako Sailak aurkeztutako plan partzialari, hasierako onarpena eman zitzaion. Sagastiyan egitekoak dituzten babes ofizialeko 365 etxebizitzaren inguruko plan partziala da. Oraindik ere zehatz zenbat bloke izango diren ez badakite ere, egingo diren etxeek hartuko duten eremua izango da Sagastiya baserria eta Iturrimendi baserriaren artekoa. Udalak adierazi duenez espero da urbanizatze lanak urte baten buruan hastea eta etxebizitzak 2007 bukaerarako edo 2008 hasierarako bukatuta egotea. Bitarte horretan etxebizitza hauek eskuratzeko zozketak ere egingo dira.

Etxe kopuru zehatza jakingo da eraikuntza proiektua egiten denean eta espero da, hementik gutxira Eusko Jaurlaritzako Etxebizitza eta Gizarte Gaietako ordezkaria Hernanira etortzea etxebizitza hauei buruzko azalpenak ematera.

Hernaniko Udalak eskatuta, Eusko Jaurlaritzak lehenengo trenbide zahararen ibilbidearen diseinua mantentzea onartu du. Hasierako planoan hortik errepide bat egitea aurreikusten zen, baina, Udalak adierazi du bere garaian inbertsio handia ekarri zuela bide hori egiteak eta Eusko Jaurlaritzak onartu egin du oinezkoentzako bidea mantentzea. Ibilbide horri bidegorri bat gehituko zaio.

Aitor zinean etxeak

Gobernu Batzarrean onartu zen beste puntuetako bat Aitor



Sagastiyan ditu egitekoak Babes ofizialeko etxeak Eusko Jaurlaritzak.

Zine barruko berrikuntza lanak egiteko plan berezia izan zen, zinea zen horretan 40 etxebizitza egitea ekarriko duena. Orain Diputazioak onartu beharko du plan berezia, proiektuak aurkeztu ahal izateko.

Beste hainbat gai

Gobernu Batzarrean Atsegin-degi plazako urbanizazio proiektua behin betiko onartu da. Proiektua erakusketan jarri dute eta Udalak adierazi du ez dela inolako alegaziorik izan. Hernanirako Goi Mailako Inmigratio Teknikaria kontratatatzeko INEMi egingo zaion dirulaguntza eskaerari buruz ere hitz egin zuten atzo. Parrokiko portada berritzeko lizentzia ere onartu zuten.

Gainerantzeko puntuak, Akarregin hiru pabeloi egiteko eskaerak izan ziren eta baita hainbat negozio irekitzeko eskaerak ere. □

IZARTU II

1.580.299 euroko subentzioa hainbat obra egiteko

EUSKO Jaurlaritzak, Hernaniko hainbat obra subentzionatuko ditu, Izartu II programaren bitartez. Guztira, emandako dirulaguntza 1.580.299 eurotakoa da. Izartu II gainbehera etorrirako hiri zonaldeak berritzeko programa da eta Hernaniko Udalak hainbat obra subentzionatzeko eskaria egin zuen. Programa honetan onartzen diren obrak aurrekontuaren % 50a arte subentzionatu ditzake, Izartu IIaren bidez. Eusko Jaurlaritzak Hernanin diruz lagunduko dituen lanak lau dira:

- 1) Bidegorri sarea.
- 2) 'La Cumbre' auzoko zerbitzu sareen reurbanizazio eta berrikuntzako obrak.
- 3) Elizatxo auzoko zerbitzu sareen reurbanizazio eta berrikuntza obrak.
- 4) Ezinduei bidea errazteko plana.

Dirulaguntza 5 zatitan jasoko du Hernaniko Udalak. Aurten hasi eta urterotero 2008ra arte banatuko du Eusko Jaurlaritzak subentzioa. Aurten jaso beharreko dirulaguntza 14.498 eurokoa da eta 2005ean jaso beharrekoa, 248.847 eurokoa. □

Kirol Elkarteak Batzar Orokorra deitu du bihar goizerako

HERNANIKO Kirol Elkarteak Asanblada Orokorra deitu du bihar goizerako. Aurreneko deialdia goizeko 10:00etan izango da, bigarrena 10:15etan eta hirugarrena 10:30etan. Batzar Orokorra gai hauen bueltan izango da: Lehendakariaren aurkezpena, aurreko Batzarreko akta onartzea, 2003-2004ko Kirol Memoria, 2004-2005eko aurrekontua onartzea, Kirol Elkartearen oraina eta etorkizunaren inguruko informea, Lehendakariaren eta Zuzendaritza Juntaren dimisioa, hauteskundeetarako deia eta hauteskundeetarako egutegia zehaztea. Batzarra Sandiusterrin izango da. □

MENDIRIZ MENDI

Erniora irteera gaztetxoentzat

MENDIRIZ Mendik irteera antolatu du gaztetxoentzat, irailaren 26rako. Irteera Ernioara izango da eta izena eman nahi duenak irailaren 24ra arte du epea. Irteerara joateko, gaztetxoek 2 euro ordaindu beharko dituzte eta helduek 4 euro. Izena emateko Iturregi plazako bulegora joan behar da astelehen, ostegun eta ostiralean, 20:00etatik 21:00etara. □

Txu-txu tren gaur Berriakek antolatuta

BERRIAK elkarteak txu-txu tren jarriko du gaur eta Hernanitik barrena buelta bat emateko aukera izango dute nahi duten haur eta gazteek. Trena arratsaldeko 17:00etatik 20:00etara ibiliko da eta irteera plazatik izango du. Egingo duen ibilbidea da: Plazatik Kardaberazen behera, Zinkoenea, Txirrita, Urbieta, Latsunbe, Zinkoenea berriz ere eta Kale Nagusian gora berriro ere Plazara. □

HERNANIKO UDAL EUSKALTEGIA ZORIONAK!
HABERen 1. edo 2. maila, EGA agiria edo hizkuntz eskakizunen bat ateratu duzuen guztioi
04-05 IKASTURTERAKO MATRIKULALDIA ZABALIK
irailaren 6tik 24ra
Diru-laguntzak ere badauzkagu. Galde ezazu euskaltegian (Karobieta 63an, anbulatorio zaharrean)!
☎ 943 331896
e-mail: euskaltegi@hernani.net
Ordutegia: 9:00-13:00 / 16:00-19:00
HERNANIKO UDALA

URGASKA, S.L.
Gas instalakuntza
Material salmenta
* Asistentzia tekniko, gas eta berogintzan.
* Gas propano, butano eta naturala: mantenua
* Iturgintza
Aristizabal 9 Behea
Tel.: 943 33 37 40

ANTZIOLA TABERNA
ostiralean, 22:30etan
"Mus azkarra"
SARIAK:
1.) 2 urdaiazpiko edo 12 txuleta + 2 langostino kaja + 2 txanpain
2.) 6 kilo kostila + 2 langostino kaja + 2 botella ardo
3.) 2 koneju + 2 txanpain + 2 ardo bot.
4.) 2 txanpain bot. + 2 ardo bot.
Inskripzioa: 14 € bikoteko
ERREGULARITATE SARIA 200 € hilabeteko puntuaziorik altuenari
ANTZIOLA TABERNA
Antziola auzoa 1- 943 55 54 99

musika eskola DOINU-ZALE
KARABEL AUZOA, 4 • behea ezkerre
☎ 943 33 12 33 - 20120 HERNANI
Musikaren lenguaia
Pianoa
Akordeioa
Panderoa
Bateria Modernoa
Tronpeta
Triki-tixa
Kitarra
Abesbatza
Armonia
MATRIKULA ZABALIK:
IRAILAREN 6tik 17ra. Arratsaldetan, 16:00etatik 20:00etara.
HELDUENTZAKO IKASKETA BEREZIAK ~ TALDE TXIKIAK ~ MUSIKA LENGUAIA 4 URTETIK

Gorka Setienek eskuz pintatutako diapositibak Goiz Argiko erakusketan

GORKA Setienek egindako lanak Goiz Argi Tabernako par-etetan daude zintzilik. Eskuz margotutako diapositibak dira eta paper fotografikora errebelatutakoak. Lanak salgai daude eta formatu haundiagoan nahi dituenak ere enkargatu ditzake.

Gorka Setienek hitzetan lan hauek “intentzioa eta kasualitatearen arteko dibertimendu bat” dira. Teknika hau berak garatutakoa da, duela 7 bat urte haurrekin diapositibak margotzen zebilenean hasi zuena. Gorka Setienek dionez teknika hau esperimentatzeko aukera izan du Errapia artistak tailerrak Zikuñagan duen lokalari esker, Zikuzulo tailerrari esker. □



Diapositibak paper fotografikora digitalki errebelatzen dira.

Bertso Eskolak kurtso berria hasiko du gaur

■ Arratsaldeko 18:00etan bilduko dira Biteriko plazan kurtso berriaz hitz egiteko.

IRAULIO Panttalone Bertso Eskolak kurtsoa hasiko du gaur eta arratsaldeko 18:00etan egin dute zita Biteriko plazan. Asmoa da aurkezpena egitea eta kurtso berriaz hitz egitea. Ez dago adin mugarik eta Bertso Eskolak jendea animatu nahi du, “talde giro ona delako Bertso Eskola honetako ezaugarrietako bat” diote.

Hizkuntzarekin jolasean
Hizkuntzarekin jolastea eta

“Asmoa da, hizkuntzarekin jolastea, pixkanaka kantuan ikastea, arrazoiaketa lantzea eta ondo pasatzea”

pixkanaka kantuan ikastea da, Bertso Eskolako irakasleen hitzetan, kurtsoan zehar egiten dena. Hizkuntza eta arra-

zoiketa lantzea, eta ideiak garatzea ere badira kurtso honetarako asmoak.

Aktibitate ugari
Bertso Eskolan, klaseetatik gain, beste eskoletakoekin elkartzen dira, afariak egiten dituzte, saioak ikustera joaten dira, besteak beste. Gipuzkoako Eskolarteko Txapelketan ere parte hartu zuten iaz eta esan beharra dago Hernanikoak zirela txapelketako gehienak. □

JASOTA BEZALA

Latsunbe-Antziola, guztiontzako lotura bat

Erabateko adostasunak ez ditut inoiz gustuko izan, herri totalitarioen berezkoak direla uste dut eta. Are gehiago, desadostasunak oso aberasgarriak direla deritzot. Laura Etxezarreta andreak bidalitako gutunaren bidez, ordea, bere desadostasuna azaldu beharrean, gure herrian eginiko txapuza bat zuritu nahi duela argi dago....

Latsunbe eta Antziola lotzen dituen autopista aldatzeko erabakia ez zen izan egungo gobernu taldearen kapritxo bat, zenbait arrazoi eragin baitzuten: bide azkar hau ez egiteko eskatzeko berta-ko bizilagunek bidalitako 1.300 sinadurek; sen onak eta ingurua aintzinean bezala-ez dakit zuk ezagutu ote zenuen- mantentzeko korporazioak zuen nahiak, besteak beste.

Oinezkoentzako eginiko bide bat ezin da bide azkar bilakatu. Sentsibiltate pittin bat duten herri eta udalerrri garatuok, hain

zuzen ere, lehentasuna ematen diegu oinezkoentzako pasealekuei eta bidegorriei. Hildo honetatik jarraituz, duela zenbait hilabete enpresa batek eginiko ikerketak zera zioen: Hernanin kilometro bat baino gutxiagoko joan-etorriak trafiko osoaren % 35 dira, kotxea benetan behar gabe erabiltzen dugula esan nahi du honek. Gu ez gaude kotxea ez erabiltzearen alde, baizik eta kotxea zentzuz erabiltzearen alde.

Bidearen diseinu berria dela eta, Laura Etxezarreta andrea bere etxetik atera eta bere etxera sartu ahal izango da kotxez inolako arazorik gabe. Baliteke minutu bat erabili beharrean, minutu bat eta hamar segundo behar izatea, baina iritsi, iritsiko da. Diseinu berriari esker, herri osoa zeharkatuko duen sare bateko lehenengo bidegorria egin dugu. Diseinu berriari esker, kutsadura akustikoa eta bestelakoa ez areagotzea ere lortu dugu.

Bukatuz joateko, kale honen antolaketa urriaren amaieran bukatuko dugu. Hala ere, inguruko lursailetan -jabeek saldu zituztenak proiektua egin ahal izateko, hain zuen ere- egindako txapuza konpontzeko denbora eta diru gehiago beharko dugu. Aurreko korporazioak idatziz zein ez hartutako konpromisoei aurre egin behar diegu guk, baina argi gera dadila gu ez garela horien erantzule.

Herriaren beharrak betetzea eskatzen dio Laura Etxezarreta andreak Udalari. Hain zuzen ere, hiritarren eskaerak entzuten ditugulako bide hau berriz antolatzea erabaki du udalak.

Obrak bukatutakoan, zure kotxea uztera eta paseo bat ematera animatzen zaitut, ikusiko duzu eta zein pasealeku dotorea egin dugun hiritar guztiontzako.

Andoni Amonarraiz
Zerbitzu Publikoetako Zinegotzia

Hernaniko Etxerat-ek Donostiako enkarteladara joateko deia

ENKARTELADA dago deitua gaur Donostian, *Euskal Preso eta iheslari politikoak etxean nahi ditugu* lemarekin. Herna-

niko Etxerat elkarteak dei egin die hernaniarrei enkarteladara azaltzeko. Gaur, 20:00etan Konstituzio Plazan. □

Elur Txori elkarte itxita egongo da astelehenetik aurrera, obrak direla-eta

ELUR Txori elkarteak obrak hastekoak ditu sukaldean eta elkarte itxita egongo da datorren astelehena, irailaren 20tik aurrera.

Hiru bat aste iraungo dute

obrek, arduradunek Kronikari esan diotenez. Bitarte horretan, Elur Txoriko bazkideek herriko beste elkarte batzue-tara joateko aukera izango dute. □

Hernaniko pelotariek Gipuzkoako txapelketa hasiko dute gaur

HERNANIKO pelotariek gaur hasiko dute denboraldi berria, Gipuzkoako Txapelketarekin. CD Hernaniren ize-nean 34 pelotari ariko dira Gipuzkoako Txapelketan eta parte hartuko duten modalitateak dira: eskuz kadete, jubenil eta senior mailan; paleta goman, jubenil mailan eta erremontean, senior mailan. Iaz sari asko lortu zituzten hernaniar pelotariek eta aurten ere denboraldi ona egiteko asmoa dute. □

Partiduak
Gaur, 18:30etan Hernanin Ezeiza-Gorrotxategi/Gazteleku
Gaur, 20:15etan Eibarren Eibar/Garmendia-Salaberria
Gaur, 20:30etan Zumarragan Beloki/Gaskon-San Sebastian
Larunbatean, 16:00etan Hernanin Fdez de Gorostiza-Ramos/Elordi Ojuel/Txapagain Arrieta-Zurutuza/San Esteban Alvarez/Batzokiko
Igandean, 11:00etan Zumaian Zumaiko/Zabala-Huizi

ASTIGARRAGAKO KULTUR ETXEA

Dantza afrobrasildarra, bideoa, literatur ikastaroak eta abar luze bat

ASTIGARRAGAKO kultur etxeak ikastaro ezberdinak jarri ditu aukeran, izena eman nahi duenarentzat. Ikastaroetan izena emateko Astigarragako kultur etxera jo behar da edota telefono honetara deitu: 943-335064.

Ikastaro aukera zabala dago: eskulanak (bolilloak, gurutze puntua, kristala grabatzea eta eskulanak mar-

gotzea), egur-taila, altzariak berritzea, bideo tailerra, Qi Gong, dantza garaikidea, dantza afrobrasildarra, haurrentzako tailerra, haurrentzako buztina eta literatur tailerra (euskeraz eta erderaz).

Ikastaro gehienak urritik aurrera hasiko dira eta urte osoa irauten dute. Literatur tailerra, ordea, hilabetean behin izango da. □

ZERBITZUAK

☎ TELEFONOAK	✚ FARMAZIAK
►Taxiak: 943 550093 ►Udaltzaingoa: 943 333288 ►DYA: 943 464622 ►Autobusak: 943 556662 ►Anbulatorioa: 943 006666 ►Jokalari anonimoak: 943 331103 ►Alkoholiko anonimo: 943 331103	►Egunez: Gomez Justel Kale Nagusia 14 ☎ 943 554892 ►Gauetz: Atxa-Orbea Lasarte. Hipodromo 6 ☎ 943 363549

IRAGARKI MERKEAK

Iñigo Royo Masajista. Masajea, naturopatia, akupuntura, ajuste neurologiko eta bertebrala, reflexologia, auriculoterapia,...: 943 33 28 94 - 626 80 76 33 (Sta Barbara 42)

Pisua salgai Zikuñagan. 70 m2 eta kanpora begira; erreformak egin berri ditu eta bizitzera sartzeko moduan dago. Interesatuek deitu: 653 73 79 90

Etxeo lanak egiteko eta haurrak zaintzeko pertsona behar da. Goizetan egingo luke lana. Deitu: 689 144 881

HERNANI HIZKUNTZAK

(Gure Ingelesetxea)

ZORIONAK guztiontzat *Advanced* eta *First*

azterketak gainditzeagatik.

DATORREN IKASTURTERAKO MATRIKULA ZABALIK

Deitu Alan/Joe: 943 33 11 08 - KALE NAGUSIA 41, 1